

www.BibleForChildren.org


Matiw 8



Yam akweiy ikous, mina-Ken mwasanin mo isagals,
veivay silmanin. Ken wawnuwan ven avakaein Galiliy.
Yeisuw inan in Ken silmanin sagal townen. Bo
idawes-vak Yeisuw, sen navamul, ineis sagal townen
silmanin.



Issagals ee... wayn bo ikous. Yeisuw inan mo idibek,
ilana, “Asiwayn bo ikous.” Yeisuw inan mo idibakes
tanuwagan sagal navamuls, ilana, “Aveiyag Yeisuw
bidibakeimiy, kadiloka bukuwteles.”



Yeisuw idibakes, ilana, “Kuvgwagwes
kunasoup, yevagam waseg; mo
ivgwagwes, in, ikaławt.” Yeisuw mo ilana,
“Kunasoup waseg kukilis, kukwawes
kunawes tanawagan sagal waseg,”
mo iwteles mawan.




Tanuwagan sagal ikamkwen yevagam townen bo
imlavag wayn; nag bikakin avanuy meinoy neim, tage
tasiyas takilins yevagam
ikakins; tanuwagan sagal
mo idow taveivay v^ugan
beim bilivans son.



Ilana, “Gamag babaw sagal nakabsilamaw waseg
isekes wayn singaya bwein, imwamoums ee...
iyakousis, wankuyeim mo
isekes kalamwey wayn;
tage yākoum amsinap
kweitan, wayn
bwanabwein kwayus,
sagal nakabiyokous
waseg mo
kusekem
kāmoum.”




Nakabsilamaw mulin naman Yeisuw nivag towen, ven
Ken wawnuwan Galiliy,
waseg ikatimlakes
natawtoun, navamul mo
isimounids waseg.



Yeisuw mo isiw in Pita wanbunatum,
ikin yawan ikatoun, itak_ulon won; . . .



. . . ikabkwen naman manawen vin mo iloulun won,
itamanaw manawen; ikatineg kan Yeisuw beikam.




Kalas iseilil kwayav waseg, mo imeyes takatouns
babaw, sisiyas tasiyas baloum neiweiys. Ven to gimgilis
katuyouns babaw
nimeis, itomos
wawkwedan bunatum.



Tage Yeisuw mo ivag ibweins askatoun kweitan
kweitan, o baloum ikayabes isawls. Tasiyas baloum
iwtusis Yeisuw, togo nag itam vāgan bikamteles.



Asibabaw sivines bikabikons wawon Yeisuw, silmanin natawtoun binekes kid tasiyas, mo beibweins.



Mo imeyes takatoun teitan nimmasis wakaban.
Ta-mawan binoun. Mapuna asteivas gamag idagis
takatoun in wakaban mo ikawes.



Sivines kid Yeisuw waseg binawes.
Ta-mawan, peinan gamag
singay babaw.



Mapuna imwens wakunuwatan
bunatum, itaboulis tapwan bunatum
wakunuwatan Yeisuw,
ikaygwagwes takatoun
town sona aban nimmasis,
italaves in iton
wamatan
Yeisuw.



Yeisuw ikin, ikakina tasiyas inmises takatoun bivag
beibwein, mapuna idibek
takatoun towen, ilana,
“Gwade, bo awid
amsinap kalbaleb,
ikous.”




“Wotet akweiy gagab waseg yey. Kadiloka bukukwakins
Gimgilitoun yey, o gunakaleiwag
nises ven watinow vāgan
bawid gamag asisinap
kalbaleb, mapuna
adibakeim takatoun
yak, ‘Kutamanaw,
kukow ābam,
kunoun kun
wamven.’”



Yeisuw iginitouw in wawag, navamul itouws wankuyeim,
mo ikuks. Ikuks ee... bwaw avakaein
ilivatus, kakita bimukuls;
tage Yeisuw bo imasis.



Ilana, “amipwayat? Adok nag kusimounids waseg yey,
ne?” Mo ikit, itamanaw, ikan yag son kaysay, mo
idabab, iniwal singay avakaein. Gamag tasiyas ikines,
isom ninous, ilansa, “Taw townen
kweitana gamag; yag son
kaysay iliganes aygan.”



Singay Yowbad isiwyoubus ven watinow
gimgilis. Natun gog anmwānet bo itam,
bo isek vāgan bikatinabwes gamag.
Kukin kal bisimounid townen waseg
nag bigeg, nag; mwamovan
son bises bisigeg.



Lom 3:23 Babaw yākids adsinaps kalbaleb; Yowbad nakamnat bo ilisaweids.

Lom 6:23 Sinap kalbaleb maysan kanig; tage Yowbad bo isiwyoubuds daGuyaws Yeisuw Kelis waseg, mwamovads nisekeids nag beikous.

Min-Ibliw 9:27 Yowbad bo ikaliwageids gamag yākids sivtanoka bitakanigs mo bikatkin adsinaps, aveiyag bwein, aveiyag kalbaleb.

Epesos 2:8,9 Tasimounids waseg Yeisuw, mo Yowbad ikatinabweids, adsinaps kalbaleb waseg, peinan inok nuwan yākids. Ta-māwan bitakatinabweids tatoneids yākids, nag. Tage Yowbad nasiwayoub waseg.



Nag aveiyag tawtoun bitawteles mo Yowbad bikalin nuwan,
bikatinabweids, nag. Bo isiwyoubuds mav. Kukin
bikatinabweids peinan dawotets tawtoun, mo
bitakaypamwes kid sinap. Awoum.

Lom 10:9,10 Kukin bitatam wadoud daGuyaws Yeisuw
waseg, o wananoud bitasimounid peinan Yowbad iyakit
kanig waseg, e, Yowbad mo bikatinabweid.

Gamag yakid nanoud bitasimounid, Yowbad mo
bikidumwal adsinap; o bitatam wadoud waseg mo
bikatinabweid.

Yon 3:16,17 “Singay Yowbad isiwyoubus ven watinow
gimgilis. Natun gog anmwānet bo itam, bo isek vāgan
bikatinabwes gamag. Kukin kal bisimounid townen waseg
nag bigeg, nag; mwamovan son bises bisigeg.



“Yowbad ikayeb natun neim ven watinow nag silmanin
biyateles gamag babaw, nag; nikayeb neim vagan kid
bikatinabwes gamag.

1 Yon 5:11-13 Yowbad anilivan mamagina, “Asekeimiy
mwamovamiy nag beikous, Natug Yeisuw waseg.”

Kukin Yowbad Natun bises waseg yak, mwamovam
bukuban; kukin gog nag, bo nag.

Sinap townen bo nalel neiw, vagan bukukwakins
mwamovamiy bises bisigeg; magat bukusimounids waseg
livanen Yowbad Natun.



Matiw 8-9; Mak 1-2, 4; Luk 4, 8; Yon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Muyuw NT (myw) © 1993, Wycliffe Bible Translators, Inc. All
rights reserved.

<https://live.bible.is/bible/MYWPNG/MAT/1>

©2026 Bible for Children, Inc.

www.M1914.org

www.bibleforchildren.org

